

Since : 1986

# SALEMTHAR

## TKP THUTIAM

Krista leh Kohhran tan,  
Ka chakna Isua Krista chu ring tlatin nitin  
Pathian ka pawl ang a; Kan kohhran  
Pathian biakna leh hnathawhnaah ka tel zel ang.  
Khawtlang Thatna leh in unauna tinghet  
turin ka thawk ang a. Krista hnenah  
midangte hruai ka tum tlat ang.



## TKP DIN CHHAN

### Thalaite hi:

1. Kristian tha tak ni tura buatsaih.
2. Krista leh Kohhran tana thawk tura buatsaih.
3. Khawtlang tana mi tangkai ni tura fuih leh kaihhruai.
4. Pathian ram zau nan a inhmantir.

“Lalpa lo kalna chu a hnai tawh si a” Jakoba 5:8

Vol: XXXIX Issue No - 37 SALEMTHAR PATHIANNI 05<sup>th</sup> OCTOBER 2025 Phek khat-na

## CHANCHIN THA HRIL HI RINGTUTE TIH TUR A NI

Isaia 6:1-10, Marka 16:15-18

Chanchin tha chu Lal Isua Kristaa Pathian hnathawh zawng zawng hi a ni a, Lal Isuan chhandamna hna a thawh chanchin hi a ni kan ti thei bawk ang. Bible chuan kawng hrang hrangin a sawifiah a, Pathian Ram Chanchin Tha te, Chhandamna Chanchin Tha te, Khawngaihna Chanchin Tha te, Remna Chanchin Tha te, Sual ngaihdamna Chanchin Tha te, Tihthianghlimna te. Nunna Thu te leh a dangte pawh. Mihringin thinlung taka Isua Krista chu Lal leh Chhandamtua a pawmin piangthar a lo ni a, thil siam thar a lo ni bawk a; a sual a sim a, sual ngaihdamna a chang a, chatuana nunna neiin a lo awm ta a ni tih hẽ chanchin tha kan hril thin, kan la hril zel tur chu a ni.

**1. Tumah kan b̄ang thei lo:** Kan Thurin No 9-nain ringtute tih tur a sawi zingah, ‘Khawvel puma Krista ram tizau tura beih’ tih hi a tel avangin chanchin tha hril hi ringtu zawng zawng tih tur leh tih m̄akmawh a ni a, tumah kan b̄ang thei lo. Krista chhandamna chu a thlawna kan hmuh avangin a thlawn v̄ekin kan pek chhuah a ngai a. Nitin thlarau bo tam tak an boral avangin hmanhmawh a ngai bawk. Krista chhandamna chang inti si, chanchin tha hril ngai pawimawh lo chu ringtu tak a ni lovang. Tirhkoh Paula chuan, “Tih m̄akmawh ka chung a inngat a ni si; chanchin tha hril suh ila, ka chung a pik dawn si,” a ti bawk a. Chhandamna hlut zia hretu tan chuan engmah sawi chhawn ch̄akna neih loh chu a inhmeh lo hl̄e; “Sawi lovin kan awm thei lo,” ti ve tur kan ni zawk.

**2. Insenso huam a ngai:** Lal Isuan, “Ngai teh u, chinghne zinga beram awm angin ka tirh che u hi,” a ti a, nuam taka hril tura beisei chi a ni lo. Ringlote hnena chanchin tha hril chu hautak tak a ni. Mahni intum vek a ngai a, mahni intum chung pawhin lawm kan hlawn lova; lawm ahnekin tihduhdah kan tuar zawk thin a ni. Chuvangin, engkim huama thawh chi a ni. Sum leh pai; tha leh rilru s̄en a ngai a, hrehawm tuar a ngai a, nunna hial pawh ch̄an a ngaih hun a awm thei. Mahni lam chu insensona tur hlir a ni.

**3. Thlarau bo pakhat tal man kan tum tur a ni:** Mihring hi Pathian anpuia siam kan nih avangin Pathian mithmuhah kan hlu em em a ni. Mi pakhat boral pawh Lalpan a ui em em a, chuvangin, thlarau boral tur chhanchhuak turin ringtu tawh phawt chuan mawhphurhna kan nei a ni. Mahni kan kal chhuak theilo a nih pawhin tawng taiin emaw, mite ruaiin emaw



## HUN CHANGTU TURTE

Pathianni Zing (9:45 AM)

Hruaitu : Upa K.Lalrohluah  
Thupuan : Secretary  
Zaipawl : Standing Choir  
Thuchah : Rbt PC Lalnunmawia

Pathianni Zan (6:30PM)

Hruaitu : Upa Ngentluanga  
Solo : ZD Lalruatsanga  
Thuchah : Zotlang North  
Nilai Zan : Rbt C.Laldingpuia  
Inrinni Zan : Upa F.Lahlhira

## SEPTEMBER 2025 THILPEK

PRZ	19,18,090
RAMTHIM	3,13,310
BUHFAITHAM	1,30,330
BUILDING	1,87,750
TUALCHHUNG	2,12,170
KRISMAS	1,05,020
TOTAL	28,66,670
Envelope lut zat	240

## SUNDAY SCHOOL REPORT

Dt 28.09. 2025 SUNDAY SCHOOL REPORT			
PAWL HMING	HMING ZIAK ZAT	KAI ZAT	KAI LO
Senior 'B'	499	308	191
Senior 'A'	56	41	18
Intermediate	110	92	18
Baptistma	17	17	0
Junior	55	50	5
Primary	47	40	7
Beginner	34	32	2
Nursery	34	21	13
Puipate	68	67	1
TOTAL	920	668	237
Kai Percentage		72.60%	
Thawhlawm		10,060	
21 September 2025 Senior B			
Tantu	Pu K.Malsawmkima		
Thuzir Hruaitu	Upa PC.Lallianzara		

engtin emaw tala kan tan ve a ngai a. Thenawm hnaiah pawh ringlo mi an awm chuan kan hrilh ve thei. Ram hla tak kal kher lo pawhin, kan hmuh phakah leh kan hrilh theiha awm apiang hnenah Isua chanchin tha hi hrilh mawlh mawih mai tur a ni. Ringtu puitling ve lem chuan thlarau bo pakhat tal man ve tum fiat a tul a ni.

**4. Tih theih tâwk tih:** Lal Isua, Bethani khua a hmeichhe pakhatin hriak rimpui a thih khan, "A tih theih tawh a ti a ni," tih a sawi khan, hmeichhe thil tih chuan a ti lawm a, a chhan pawh a tih theih tawh a tih vang a ni tih kan hria a. Hei hi Isua ringtu apiangin hrerengin, Isua lawm zawng eng noe ni tih kan ngaihtuah a tul. Aman thu min pek kan tihhlawhtlin chuan a lawm dawn a ni tih a lang. Hetah hian a hming mai nilo, theihtawp takmeuh chhuah a ?ul zia a lang bawh. Kan theih chinah chuan tlanchhe lovin kan ti ve mai tur a ni. Mahni kalchhuah emaw, sum leh pala lo tan ve emaw, thildang pawh kan tih ve theih tawh kan tih hi Isua lawm zawng a ni.

### TKP INKHAWM PROGRAMME

A hun : Ni 6th October 2025  
 A hmun : BCM Biak in Salem  
 Tan hun : Zan Dar 6:30  
 Hruaitu : NI S.Lalengkawli  
 Tantu : Pu C.Lalsangliana  
 Thupuan : Secretary  
 Tawngtai rual hruaitu : NI C.Lalneihzuali  
 Thawhlawm khawn turte :  
 1) NI Sabina Rinhluzuali  
 2) NI Rachel Lalengkawli  
 3) NI Christina Lallawmawmi  
 Solo : NI Laldinsangi Ralte  
 Sharing : Pu J. Lalremruata (Sawihawngtu)+A duh apiang tan  
 Bible Chhiar rualhruaitu: Tv Freddy Lalremsiama  
 Bible Chhiar turte:1) Tv B.Lalrohluna  
 2) Pu F.Lalnunthara  
 Thuchah : NI ZD Lalbiakveli  
**Note:**  
 1) Relief Bawm hun a ni ang.

### BKHP PROGRAMME

Dt 10.10.25 (Zirtawp zan) ah Tu leh fate pual tawngtai inkhawm neih tur a ni dawn a  
 Hruaitu : Pi Lalengmawii

### EVANGELICALCELL TLAI TAWNGTAI HRUAITU

October 2025

5.10.2025 – Tv Lalremliana chhakchhuak

19.10.2025 – Tv Vanlalruatfela

November

2.11.2025 – NI. F. Lallawmsangi

16.11.2025 – Tv K. Lalhminganga

23.11.2025 – NI B. Lalhruaitluangi

December

7.12.2025 – NI.Zd lalbiakveli

21.12.2025 – Tv. Lalthlangmawia

### ZAIKHAWM PROGRAMME

Pathian hnathawh ropui tak kan kohhranin kan chan mek chu nasa lehzuala a lo thlen a,a lo darhzau zelna tur anih beiseiin kohhran comt leh fellowship hrang hrang OB Joint meeting chuan tunkar chhung khan inkhawm loh zan apiangin mawngmaiho na neih mhin nise a ti a, sharing sawi leh zaiho te pawh neih a ni bawh ang.

Kohhran membrete thahnemngai taka tel theuh turin kan insawm e.

Dt 5.10.2025

Pathianni zan Inkhawm ban

**Hruaitu:** Pu Samuel Lalruatfela

### PANGPAR KHAWITUTE

Dt 05th October 2025

1. Pi. RK Saimawii

2.NI Lalawmpuii Khiangte



Ni 2 October 2025 khan Jr.TKP te chuan LDF Futsal Ground ah Ruihho thatlohzia Inzirtirna neih pahin Intihhlamna an nei a. Member 40 vel kalin, Futsal,Poison ball,Dual Stick race,Blind penalty Shootout,Volleyball etc hmangin intihhlamna an nei a.'Ruihhlo thatlohzia' Slogan Writing lawmman semna neih nghal a ni bawh. Resource Person: Tv Lalremliana Chhakchhuak.